



KAZ MINERALS PLC
6TH FLOOR
CARDINAL PLACE
100 VICTORIA STREET
LONDON SW1E 5JL
Tel: +44 (0) 20 7901 7800

2015 жылғы 8 шілде

ШЫҒЫСТҮСТІМЕТ ШҚО ГЛУБОКОЕ АУДАНЫНДАҒЫ ЖОЛДАРДЫ ЖӨНДЕЙДІ

«Шығыстүстімет» ЖШС (KAZ Minerals тобының құрамына кіреді) Шығыс Қазақстан облысының Глубокое ауданындағы автомобиль жолдарын және көпірді жөндеуге 77,5 млн теңге бөледі. Тиісті меморандумға Шығыстүстіметтің Басқарма төрағасы Ильсур Даутов пен ШҚО Глубокое ауданының әкімі Арман Бекбосынов қол қойды.

Бөлінген қаражат Предгорное кентінен Верхнеберезовский және Алтайский кенттеріне дейінгі автомобиль жолдарын, сонымен қатар Красноярка өзенінен өтетін Верхнеберезовский кентінің маңындағы көпірді жөндеуге жұмсалады. Аталған жол телімдері Шығыстүстіметтің сенімгерлікті басқаруында болған және оларға компания бөлімшелері қызмет көрсеткен. 2014 жылдың басынан бері, Березов кен байыту фабрикасының жұмысы тоқтатылған соң, жолдар қажетсіз боп танылды. Осыған орай, аталған жол телімдерін жергілікті атқару органдарының басқаруына қайтару туралы шешім қабылданды.

Жөндеу жұмыстарының түрі, мерзімі және мердігерді таңдау туралы шешімдер ШҚО Глубокое ауданы әкімдігінің құзырында.

Соңғы 5 жылда компания Шығыс Қазақстандағы түрлі әлеуметтік нысандардың құрылысы мен жөндеу жұмыстарына 5,4 млрд теңгеден астам қаражат бөлді. Топтың қаржыландыруы арқасында Өскемен қаласындағы «Восток» стадионы, Семей қаласындағы «Спартак» стадионы жөнделіп, Жезкент кентіндегі Мәдениет үйі күрделі жөндеуден өтті, облыс орталығында екі хоккей модулі, Жекпе-жек сарайы, Спорттағы дарынды балаларға арналған мектеп-интернат, Мемлекеттік нышандар кешені, Аягөз ауданының Ақтоғай кентінде мектепке қосымша ғимарат салынды. Сонымен қатар, Шығыс Қазақстан облыстық ауруханасы ортопедиялық және травматологиялық операцияларға арналған жабдықтармен қамтамасыз етілді. Семей қаласындағы Республикалық гематология орталығының құрылысына демеушілік жасалады.

Қосымша ақпарат алу үшін келесі телефондар бойынша хабарласуға болады:

KAZ Minerals PLC

Мақсұт Жапабаев	Корпоративтік байланыстар департаментінің басшысы, Алматы қаласы	Тел: +7 727 2440353
Ермек Дюзкенов	Корпоративтік байланыстар департаментінің ШҚО бойынша менеджері	Тел: +7 7232 593559 +7 701 421 04 18

РЕДАКТОРЛАРҒА АРНАЛҒАН ЕСКЕРТПЕЛЕР

KAZ Minerals – Қазақстанда заманауи, азшығынды тау-кен өндірісін дамытуға бағытталған өсу әлеуеті зор мыс өндіруші компания. Компания - Қазақстандағы жетекші мыс өндірушілердің бірі.

Компанияның қолданыстағы 5 кеніші мен 4 кен байыту фабрикасы бар. 2014 жылы 84 мың тонна катодты мыс өндірілді.

Сондай-ақ, KAZ Minerals ілеспе өнім ретінде мырыш, күміс пен алтынның ауқымды көлемін өндіреді. 2014 жылы 121 мың тонна концентраттағы мырыш, 3,4 млн. унция күміс пен 35 мың унция алтын өндірілді.

Топ екі негізгі өркендеу жобасын – Бозшакөл мен Ақтоғай жобаларын жүзеге асыруда. Үшінші жоба – Көксай жобасының тұжырымдамасы дайындалуда. Аталмыш өркендеу жобалары осы саладағы ең қарқынды даму көрсеткіштерін қамтамасыз етіп, KAZ Minerals-ты қорының басым бөлігі әлемдік деңгейдегі ашық түрдегі кеніштерден тұратын компанияға айналдырмақ.

KAZ Minerals PLC компаниясының құнды қағаздары Лондон, Гонконг пен Қазақстан қор биржаларында айналымда. Топта шамамен 10 000 адам жұмыс істейді, басым бөлігі Қазақстан азаматтары.